



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm I. Ad hoc.

[urn:nbn:de:hbz:466:1-62587](#)

mili ratione si conventus ex mutuo excipiat de compensatione, quia videlicet ab auctore vicissim ex simili contractu pecunia ipsi debatur; mox in se actoris & probatoris officium transfert.

Sed quid si reus post acceptum libellum & clausam dilationem deliberatoriam, nec confiteri velit actoris intentionem, nec negando litem contestari? tum Resp. judex procedere non potest, tanquam lis contestata sit ad receptionem testium & sententiam definitivam, sicut constat ex Tit. seq. sed cogere debet reum ad contestationem, & renitentem punire aut censuris constringere, iuxta 6.1. & 2. tit. seq. aut missionem in bona eius decernere, iuxta Gloss. in Auctor. *Qui semel & Francum hic in fine.*

Ad extremum pro declaratione, quae hoc & præcedente capitulo dicta sunt, soluenda est obiectio, si opposita exceptio ostendat nullam actionem competere, tunc lis contestandō est, sed exceptio probanda, ut dixi

in c. 1. reg. 2. limit. 3. hoc lib. & tit. sed exceptio peremptoria ostendit, seu dicit nullam actionem competere eō ipso, quod eam p̄mit, ergo, si exceptio peremptoria opponatur, de eā primō cognosci debet, non lis contestari. Resp. exceptiones peremptorias esse in triplici differentia, nam aliae ostendunt actionem nunquam natam esse, seu nunquam competitisse, de his re etē conuincit obiectio, ut dixi in cit. limit. 3. Aliae sunt, quae ostendunt actionem, quae aliquando erat, modō non competere, sed extinctam esse, eō quod lis finita sit per judicis sententiam, per transactionem aut compromissum, & de his exceptionibus itidem convincit obiectio, ut dixi eādem reg. 2. limit. 3. Aliae denique, quae solū ostendunt actionem seu jus agendi, infringi ac perimi posse, & hoc casu, cum non negetur, actionem competere, licet dicatur inefficacem seu fragilem esse, ad litis contestationem ac reliqua acta judiciaria procedi potest.

TITVLVS VI. VT LITE NON CONTESTATA NON PROCEDATVR AD TESTIVM RECEP- TIONEM, VEL AD SENTENTIAM DEFINITIVAM.

CAPITVLVM. I.

Ad hoc.

PARAPHRASIS.

BArbara contra Remigium maritum coram delegatis Papae agebat in causa adulterij ad separationem tori, & receptionem dotis a marito adultero; sed procurator oblato libello noluit respondere, donec advocatus adveniret, ideoque inducias postulauit, sed cum eas frequenter postulando judicibus illudceret, litemque tantum protrahere videretur, denique comparuit, ac dixit se responsurum ad libellum; die autem constitutā cum responsurus putaretur, petiit, ut prius resti-

tatio fieret vxoris, quam ulterius procederetur, alioquin se ad Papam appellare. Verum cum mulier contradiceret, se virum ob eius laetitiam suspectum habere, & procurator super hoc cavendo mulierem securam reddere nollet, atque a judicibus discessisset, ipsi a muliere testes recuperunt. His cognitis Innocentius III. respondit, tametsi in causis matrimonialibus, quibus de valore matrimonij agitur, ordo judiciarius non exacte obseruandus sit, aliud tamen dicendum, si agatur de adulterij crimen ad separationem tori &c. quamobrem in hac causa tametsi ex parte mariti appellatum non fuisset, non potuerunt lite non contestata judices ad testis receptionem procedere; potuissent vero mari-

maritum, si contumax comparuit, aut etiam ob procuratoris contumaciam, si eam sciens non purgauit, excommunicationis sententia subiicere.

SUMMARIUM.

1. In causa criminali, si ciuiliter agatur, reus procuratorem constituere potest.
2. Causa matrimonialis, in qua de valore matrimonij agitur, summarie tractari debet.
3. Si de adulterio criminaliter, siue ciuiliter agitur, opus est processu ordinario.
4. An actori inducia concedenda sint, donec Advocatus absens adueniat, judicis prudenti arbitrio committitur.
5. Si Domino ex legis aut judicis precepto incumbebat aliquid facere, quod procuratori demandauit, isque intermisit, domino imputatur.
6. Si tamen dominus ob negligentiam procuratoris, vel alterius mandatarij soluere debuit, ab illo recuperabit per mandati actionem, nisi casus fortuitus, vel incutabile impedimentum interuenisset, quod ipsum etiam domini absentiam excusasset.
7. Si procuratori ipsi ex legis vel judicis precepto aliquid erat faciendum, quod omisit, ita ut omissione cadat in delictum, aut paenam mereatur, domino imputari non potest; nisi sciat & toleret, aut res veretur modici praetudicij, in qua domino etiam ignorantie praetudicari potest.
8. Si omissione eius, quod facere poterat procurator, non cadat in delictum, nec paenam mereatur, tunc praetudicari domino.
9. Factum vel dictum procuratoris, nisi presumi possu, quod fines mandati procuratorij excedat, domino praetudicare debet.
10. Ex facto procuratoris illico, aut pena obnoxio non obligatur dominus, nisi ad paenam conuentionalem, si ea communiter adjici solet conuentioni.

NO TANDVM I. In causâ criminali, si ciuiliter agatur, reus procuratorem mittere potest, cap. 5. Tua. de procurat.

NOTANDVM II. Causâ matrimonialis, in qua de valore matrimonij agitur, summarie

riè tractari debet. Clem. 2. de judicis, quia causa matrimonialis fauorabilis est, celebrempque expeditionem desiderat, vt videlicet coniux concedatur coniugi, si matrimonium consistit; non concedatur autem, aut concessa separetur, si non constitit. Et idem dicendū 2 de causa sponsaliorum, quia sponsalia referuntur ad matrimonium, & ideo etiam fauorabilia censemur, vti docet gl. in cit. Clem. verb. matrimonij. ibidem. Zabarella q. 26. Sin autem de crimine adulterij agatur, si 3 ue criminaliter ad pœnam publicam, siue ciuiliter tantum ad tori separationem, opus est processu ordinario, quia agitur de graui prætudicio partis accusatæ, imò ipsius quoque matrimonij, cuius individua societas dissoluī petitur. Ex quo apparet, quantum fauorabilior est causa matrimonij, si agatur de eius valore; tanto odiosiorem esse, si supposito valore agatur de dissolutione quoad forum. Id verò rectè docent Gl. cit. & Zabarella q. 28. Si Iudæus aut gentilis baptizatus agat ad dissolutionem matrimonij, quia coniunx alter infidelis sine iniuria creatoris cohabitare, aut ad fidem Christi converti nō vult, iuxta ea quæ dixi lib. 5. Th. mor. Tract. 10. p. 2. cap. 3. Summarie procedendum esse, quia etiam hæc causa fauorabilis est, ne alioquin coniux fidelis seruituti subiectus sit, cū infidelī coniugi cohabitare non possit, neque ad alias nuptias transire permittatur.

Occasione huius textus queritur I. Num actori inducia concedenda sint, donec Advocatus absens adueniat. Gl. hic. verb. Adnotatus, affirmat; sed melius glossa marginalis, & Abbasn. 10. dicunt, judicis id arbitrio committi, qui ex parte actoris, ipsiusque cause considerabit, quantum prætudicium aut damnum eius sit, si diutius expectari debeat; ex parte verò Rei, num culpa aliqua in ipso reperiatur, quod Advocatum instructum non adduxerit, vel iterum dimiserit, & quam graue eius damnum futurum sit, si alium non ita versatum & in causa instructum adsciscere cogatur.

QUÆRITVR II. Vtrum procurator a gendo, vel omitendo, domino noceat. Resp. & Dico I. ex doctrinâ Bartoli in li. vn.

n 3

Si do-

si domino ex legis aut judicis præcepto incumbebat aliquid facere, quod procuratori demandauit, isque intermisit, domino imputatur, quia is facere debebat per se, vel per alium, & in effectu non fecit. Verumtamen si dominus ob negligentiam procuratoris alteriusve mandatarij soluere debuit, ab illo recuperabit per mandati actionem. Ita sumitur ex l. Si procuratorem. 8. §. Si tutores, ff. Mandati. Exemplum: si dominus missio libello à judge jussus est comparere ad certum diem, sed procurator in via moratus, & non accessit, dominus condemnabit in expensas & damna aduersario praestanda.

Excipe nisi hoc casu casus fortuitus seu impedimentum moraliter ineuitabile, quod etiam dominum excusasset, procuratori acciderit, sicuti notat *Felinius h̄c n. 5. argum. l. Cūm a matribus 8. C. Qui petunt Tutores*, vbi mater excusat, quæ cum filio petere Tutorem deberet, procuratorem misit ad pentendum, qui in via à latronibus occisus est; Sin autem procurator in culpa fuit, dominus ab ipso repeteret expensas actione mandati, qui si soluendo non sit, & principalis privilegiatus, videlicet Ecclesia, petere potest in integrum restitutionem.

Dico II. Si procuratori ipsi ex judicis aut legis præcepto aliquid facere incumbebat, quod intermisit, ita vt omisso cadat in delictum, aut pœnam mereatur, domino imputari non potest. Ratio est, quia mandatum quamvis generaliter datum sit, non censetur se extendere ad delinquendum. ita *Bart. cit. loc. Abbas h̄c. n. 18. Et habetur in l. cit. vn.* Exemplum habes h̄c, si procuratori ad judicium constituto judex jubeat litem contestari, isque contumaciter reculeret ipse, non dominus puniri & constringi debet. Excipe 1. nisi dominus sciat ac toleret, id eoque tacite consentiat, vt habeatur in fine huius cap. Excipe 2. quod in re modici præiudicij domino etiam ignorantie præiudicari possit, vt si propter contumaciam procuratori missio custodiæ causâ decernatur, sicuti constat ex l. 3. quod ob negligentiam curatoris aut administratoris non defendere volentis, missio de-

cernatur, v. g. in bona pupilli, aut minoris.

Dico III. Si omisso eius, quod facere poterat procurator, non cadat in delictum, nec pœnam mereatur, tunc præiudicari domino. Exemplum, si procurator à sententiâ appellare intermisit intra decendum, transit ea in rem judicatam, vt dominus postea appellare volens, audiendus non sit. l. 1. in fine. ff. Quando appellandum sit, quia sibi imputare dominus debet, quod negligentem aut imperitum procuratorem miserit. l. Tum mandata. 23. ff. De minorib. Ceterum si procurator in culpa fuit, dominus contra ipsū actione mandati institutā, damna, leuid, quod interest, recuperabit. l. Si procurator cit. & l. Licit. 42. §. ea obligatio. ff. de procurat. l. à procuratore, 13. C. eodem. vbi dicitur, quod procurator de dolo & omni culpâ teneatur. Quod si verò procurator, cuius culpâ aut dolo aliquid neglegit, soluendo non sit, tum domino restitutio in integrum concedenda. argum. l. & elegante, 7. §. penult. & docet gl. recepta in cit. l. 1. & in c. 2. verb. Restituimus de in integrum restitut. Gail l. c. obseru. 45. n. 6. quæ admodum in simili ait n. 8. sententia lata contra maritum agentem rei vendicatione pro re dotali, non nocet vxori, si eius procurator in culpa fuerit, sed potest petere restitutio in integrum, quod intellige, si maritus soluedo non sit, quia extraordinarium restitutioonis remedium tum demum cōceditur, si ordinarium remedium desit. l. In causa. 16. ff. de Minorib.

Dico IV. Factum vel dictum procuratoris, nisi præsumi possit, quod fines mandati procuratorii excedat, domino præiudicare debet, ita *Tancredus lib. 1. c. 11. §. 2. Et sumitur ex c. 2. vbi dicitur*, quod procurator instructus cum mandato venire debet, vt quæ cum eo acta fuerint, jure subsistat. Quare confessio procuratoris in judicio ordinariè domino nocet. c. Dini. 20. de censibus, id que maximè verum est post litis contestationem, vt h̄c monet *Abbas n. 29.* Sin autem in ipso statim ingressu in judicium, seu post libellum oblatum procurator vltro fateatur intentionem actoris; aiunt Abbas & Anton. non præiudicare talem confessionem, cum

cum ea absque necessitate facta prodigalitas ac veluti donatio, seu renuntiatio juris videri possit, quæ absque mandato speciali procuratori non competit, potest enim dicere dominus, quod procuratorem miserit ad litigandum, non ad liti renuntiandum, aut condonandum.

¶ Præterea ex facto procuratoris illicito, aut pœnæ obnoxio, non obligatur dominus, ut docet *Bariol. in cit. l. i. n. s. ff. Si quis jus dicenti. Abbas & Felinus hic, circa secundum membrum: quia præsumitur excedere fines mandati.* Exempli causâ, si procurator generaliter constitutus ad eligendum, personam indignam elegerit, dominus non incurrit pœnam c. Cùm in cunctis 7. de elect.

Verumtamen, quod de pœnâ dixi, limitati debet, quod dominus à procuratore ad pœnam conuentionalem obligari possit, si talis pœna communiter adiici soleat conventioni. uti *Felinus hic docet n. 10. Sic v.g. Legatus ad componendam pacem missus, contentire potest in pœnam fœderis transgressi statuendam;* quia generatim loquendo dominus mandasse censetur, ut actus expediatur, sicut communiter expediri solet.

CAPITVLVM II.

Accedens.

P A R A P H R A S I S.

Archiepiscopus Tyrenensis à Pontifice tres judices impetrauit super causâ restitutioonis contra Plebanum S. Marci, sed Plebanus noluit respôdere, appellans ad sedem Apostolicam: Iudices cum Plebanum contumacem viderent, testes ex parte Archiepiscopi producitos receperunt, & cogere voluerunt Plebanum, ut ad depositiones testimoni responderet; illo autem recusante, processerunt ad sententiam definitiā, possessionem juris patochialis adiudicantes Archiepiscopo, cùmq; integrè restituētes prohibuerunt, ne quis in posterum possessionem eius turbaret. His cognitis respondit Innocent. III. se cassare judicium sententiam, imò verò cassam & inanem de-

clarare, ed quod Plebanus justè appellari, & judicium declinari, quando notorium erat, quod duo judicum essent Suffraganei Archiepiscopi, id est que Plebano suspecti. Accedebat, quod prius rescriptum ad judices per veri suppressionem obtentum fuerit; tametsi vero ponamus appellatione friuolam fuisse, tunc judices contra reum potuissent fortasse propter contumaciam procedere ad excommunicationem, tamen definitiā sententiam ferre nequaquam potuerunt ante litis contestationem, quare mandat Papa, ut Archiepiscopus Ecclesiæ S. Marci instrumēta & alia omnia, quæ occasione eius sententia per se vel per alios occupauit, plenè restituat.

S Y M M A R I V M.

1. Ecclesia per negligentiam intermittens iuris sua exigere ab Ecclesia sibi subiecta, id est constituta in quasi possessione immunitatis, illa petere potest, ut ex judicis officio restituatur ad integrum possessionem.
2. Subinde lis contestanda etiam est, si judicis officium imploratur.
3. Literæ subreptitiae censentur, si in ijs subiectur exceptio dilatoria.
4. Exceptio dilatoria causam notoriam continens non debet specificè in judicio objici.
5. Extincto jure reddenda sunt instrumenta.

NO T. I. Si Ecclesia per negligentiam intermitrat iura sua exigere ab Ecclesia sibi subiecta, id est que hæc constituatur in quasi possessione immunitatis, illa petere potest, ut ex judicis officio restituatur ad integrum possessionem. Ita Hostiensis apud Abbatem hic. n. 8. & facit ad hoc cap. Redintegranda, 3. causa 3. q. 1. iuncta Gl. verb. aut dolo, & tradit ibi Archidiaconus, quod Ecclesia, si possessionem aut quasi possessionem rei aut juris sui amiserit, per simplicitatem juris Canonicæ petere possit restitui se judicis officio, dummodo prescriptio cum bona fide completa non sit. Glossa tamen hic, Abbas & alii existimant, in casu huius capituli actum fuisse interdicto possessorio unde vi, id est que colligunt, quod etiam in judicio possessorio, si magni aut non facilè reparabilis

præ-